

Zulu - Izithembiso miBhalo - Promises Scriptures

Genesise 20:6 Wayesethi uNkulunkulu kuye ephusheni: "Nami ngiyazi ukuthi ukwenze lokhu ngobuqotho benhliziyo yakho; futhi ngakuvimba ukuba ungoni kimi; ngalokho angikuvumelanga ukuba umthinte.

Eksodus 35:21,26 Bafika, kwaba yilowo nalowo owavuswa yinhliziyo yakhe nowaqhutshwa ngumoya wakhe, baletha umnikelo kajehova ube ngowomsebenzi wetende lokuhlangana, nowenkonzo yonke yalo, nowezambatho ezingcwele. 26 Bonke abesifazane abavuselwa yizinhliziyo zabo ukuhlakanipha baphotha uboya bezimbuzi.

Numeri 10:35 Kwathi ekusukeni komphongolo uMose washo wathi: "Vuka, Jehova; mazihlakazeke izitha zakho; abakuzondayo mababaleke ebusweni bakho."

Duteronomi 2:25 Namuhla ngiyakuqala ukubeka uvalo nokukwesaba phezu kwezizwe zonke eziphansi kwezulu, eziyakuzwa indaba yakho, zithuthumele, ziqaqhazele ngenxa yakho.'

Duteronomi 9:3 Yazi-ke namuhla ukuthi uJehova uNkulunkulu wakho unguye owela ngaphambi kwakho njengomlilo oqedayo; uyakubachitha, abanqobe, wena ubaxoshe, ubabhubhise masinyane, njengalokho ebekhuluma kuwe uJehova.

Joshuwa 2:9 wathi kumadoda: "Ngiyazi ukuthi uJehova uninikile izwe, nokuthi sehlelwe ngukunesaba, nokuthi bonke abakhileyo ezweni baphela amandla phambi kwenu.

1 Samuweli 17:48,50 Kwathi lapho esuka umFilisti weza wasondela ukuhlangabezana noDavide, uDavide washesha wagijimela ngasempini ukuhlangana nomFilisti. 50 UDavide wamahlula umFilisti ngendwayimana nangetshe, wamshaya umFilisti, wambulala; kodwa kwakungekho nkemba esandleni sikaDavide.

Esteri 8:17 Ezifundeni zonke nasemizini yonke lapho kufika khona izwi lenkosi nomthetho wayo, abaJuda babe nokuthokoza nokujabula, nedili, nosuku oluhle. Abezizwe abaningi baphenduka abaJuda, ngokuba babehlelwe yingebhe ngabaJuda.

Jobe 29:14 Ngembatha ukulunga, kwaba yisambatho kimi; ukwahlulelwa kwami kwakunjengengubo nomqhele kimi.

IzAga 13:11,22 Imfuyo etholakala kalula iyancipa, kepha obutha kancane kancane uyandiselwa. 22 Olungileyo ushiyela abantwana babantwana bakhe ifa, kepha ingcebo yesoni ibekelelwa olungileyo.

IzAga 22:22,23 Ungamphangi ompofu ngokuba empofu, ungamchobozi oswelayo esangweni, 23 ngokuba uJehova uyakumela indaba yabo, aphuce ababaphucayo umphefumulo wabo.

Isaya 35:8 Kuyakuba khona umendo nendlela eyakuthiwa iNdlela

Yobungcwele; ongcolileyo akayikuhamba ngayo, kepha iyakuba ngeyabantu bakhe; abahamba ngayo, noma beyiziwula, abayikuduka kuyo.

Isaya 43:2 Lapho udabula emanzini, mina ngingawo; nasemifulen, ayiyikukuk-hukhula; lapho uhamba emlilweni, awuyikusha, nelangabi aliyikukushisa.

Isaya 49:25 Noma kunjalo, uJehova uthi: "Yebo, abathunjwa bamaqhawe bangasuswa, nempango yabacindezeli iyakophulwa, kepha mina ngiyakulwa naye olwa nawe, ngisindise abantwana bakho.

Isaya 54:17 Asikho isikhali esenzelwa wena esiyakuphumelela, nalo lonke ulimi olukuvukelayo iuyakwahlulelwa; lokhu kuyifa lezinceku zikaJehova nokulunga kwazo okuvele kimi, usho uJehova.

Isaya 59:17,19 Wafaka ukulunga njengebhantshi lensimbi, nesigqoko sensindiso ekhanda lakhe; wagqoka izingubo zokuphindisela zaba ngezokwembatha, wazembesa ukushisekela njengengubo. 19 Bayakulesaba igama likaJehova entshonalanga, nenkazimulo yakhe empumalanga, ngokuba uyakufika njengomfula okhahlamezayo, oqhutshwa ngumoya kaJehova.

Isaya 61:10 Ngiyathokoza nokuthokoza ngoJehova, umphefumulo wami wenama ngoNkulunkulu wami, ngokuba ungembathisile izingubo zensindiso, wangisibekela ngesambatho sokulunga, njengomyeni efaka iqhele ngokompristi, nanjengomakoti ezhlobisa ngezimvunulo zakhe.

Hezekeli 22:30 "Ngafuna kubo umuntu wokubiya uthango, eme esikhale ni ngaphambi kwami ngenxa yezwe ukuba ngingalichithi, kepha angimfumananga.

Hezekeli 45:8 Kuyakuba yifa laso ezweni lakwa-Israyeli, izikhulu zami zingasacindezeli abantu bami, kepha zinike indlu yakwa-Israyeli njengezizwe zayo.

Daniyeli 4:16 inhliziyo yakhe iyakuguqulwa ingabi ngeyomuntu, aphiwe inhliziyo yesilwane, kudlule izikhathi eziyisikhombisa phezu kwakhe.

Daniyeli 7:4 "Esokuqala sasinjengengonyama, sinamaphiko okhozi; ngabheka aze ahluthwa amaphiko aso, saphakanyiswa emhlabeni, samiswa ngezinyawo ezimbili njengomuntu, sanikwa inhliziyo yomuntu.

Zakariya 4:6 Yayisithatha isho kimi, ithi: "Lokhu kuyizwi likaJehova kaZerubabele lokuthi: 'Kungabi ngempi, kungabi ngamandla, kepha kube ngomoya wami kuhela,' usho uJehova Sebawoti.

Mathewu 24:22 Uma lezo zinsuku zingafinyezwanga, bekungesindiswe muntu; kepha ngenxa yabakhethiweyo lezo zinsuku ziyakufinyezwa.

Mathewu 26:41 Lindani, nikhuleke ukuba ningangeni ekulingweni; umoya uyavuma, kepha inyama ibuthakathaka."

Marku 10:48-52 Abanangi bamkuza, bathi kathule; kepha kwayikhona wamemeza kakhulu, ethi: "Ndodana kaDavide, ngihawukele!" 49 Wayesema uJesu, wathi: "Mbizeni." Bayibiza impumputhe, bathi kuyo: "Yima isibindi, usukume; uyakubiza." 50 Yayisilahla ingubo yayo, yagxuma, yaya kuJesu.

**51 UJesu washo kuyo, wathi: “Ufunu ukuba ngikwenzeleni na?”
Impumputhe yathi kuye: “Rabuni, ukuba ngibone.” 52 UJesu wathi kuyo:
“Hamba-ke; ukukholwa kwakho kukusindisile.” Yayisibona khona lapho,
yamlandela endleleni. (Mathewu 20:30-34)**

**Marku 16:20 Kepha bona bephuma bashumayela ezindaweni zonke, iNkosi
isebenza nabo, iqinisa izwi ngezibonakaliso ezilandelayo.**

**Luka 14:23 “Yathi inkosi encekwini: ‘Phuma uye ezindleleni nasezintangweni,
ubacindezele bangene ukuba igcwale indlu yami.**

**Luka 21:15,36 ngokuba mina ngiyakuninika umlomo nokuhlakanipha
abangemelane nakho, bakuphike, bonke abayimpi kini. 36 Ngakho lindani
ngesikhathi sonke, nikhuleke ukuba nibe namandla okuphepha kukho
konke lokhu okuyakwenzeka nawokuma phambi kweNdodana yomuntu.”**

**Johane 17:15 Angiceli ukuba ubasuse ezweni; kepha ngicela ukuba ubalonde
kokubi.**

**IzEnzo 11:23 wathi ukuba afike, abone umusa kaNkulunkulu, wathokoza,
wabayala bonke ukuba banamathele eNkosini ngokuzimisela inhliziyo.**

**IzEnzo 13:48 Kwathi abezizwe bekuzwa lokho, bathokoza, balidumisa izwi
leNkosi; bakholwa bonke ababemiselwe ukuphila okuphakade.**

**1 Korinte 10:13 Anifikelwanga ukulingwa okungenjengokwabantu; kepha
uNkulunkulu uthembekile, ongayikuvuma ukuba nilingwe ngokungaphezu
kwamandla enu, kepha oyakuthi kanye nokulingwa anenzele indlela
yokuphepha, nize nibe namandla okukuthwala.**

**1 Korinte 16:9 ngokuba ngivulelwu umnyango omkhulu wethuba lokusebenza;
nabamelene nami baningi.**

**2 Korinte 12:9 Yathi kimi: “Umusa wami ukwanele; ngokuba amandla ami
apheleliswa ebuthakathakeni.” Ngakho kunalokho ngijabulela ukuzibonga
ngobuthakathaka bami, ukuze amandla kaKristu ahlale phezu kwami.**

**Efesu 6:11 Hlomani izikhali zonke zikaNkulunkulu, ukuze nibe namandla
okumelana namaqhinga kaSathane;**

**KumaHeberu 1:7,14 Ngezingelosi uthi: “Owenza izingelosi zakhe zibe
yimimoya, izikhonzi zakhe zibe ngamalangabi omlilo.” 14 Azisibo yini zonke
omoya bokukhonza abathunyelwe ukukhonza ngenxa yabayakudla ifa
lokusindiswa na?**

**EkaJakobe 4:7 Ngakho thobelani uNkulunkulu, kepha nimelane noSathane,
khona uyakunibalekela;**

**1 Petru 5:10 Kepha uNkulunkulu womusa wonke owanibizela enkazimulweni
yakhe yaphakade ngoKristu, senihluphekile isikhashana, yena uqobo
uyakuniphelelisa, aniqinise, aninike amandla, anisekele.**